



832666

慕陵詩稿

七言律

秋日懷舍弟燕山三首

鵲鴿書絕動經年望斷江頭估客船
五畝未成湖上計一身猶滯嶺南天
嗟余遠道秋風褐憶爾空齋夜雨
羶雲物不殊濱海地多情明月向人圓

一夜新霜萬木彫故園兄弟劇逍遙
心將白鳥同飛越人與黃花共寂寥
孤影愁看珠浦月秋聲先到海門潮

慕陵詩稿

卷下

應知此日南湖上定有菱歌出畫橋

秋聲從古客邊多旅邸懷人喚奈何
淚眼倚樓偏見雁愁腸泥酒厭聞歌
五更心事霜侵被千里相思夢渡河
苦說歸田非計拙離情應不到漁蓑

畱別代傅公九作

南楚方欣負米回饑驅又欲赴金臺
飛鴻踏雪眞無定疲馬嘶風信可哀
秋雨江邊遊子淚夕陽亭上故人杯
臨歧剩有情堪訴寄語驅歌莫漫催

秣陵喜晤王可亭小飲分賦

會稽陳榮杰無波慕陵著
天時閣
大清圖
天時閣
大清圖
天時閣
大清圖

四載家鄉相見稀今朝豈惜典秋衣故人滿座黃花瘦
清酒盈尊紫蟹肥笑看七星從北指醉聽一雁向南飛
中宵漫踏天街月夢裏青山好當歸

過舅氏墓

高呼天地兩茫茫何處招魂弔夕陽下第共傷劉司戶
無兒誰哭蔡中郎幽燐夜照陰房火斷草秋飛孤塚霜
也似西州門外路聊持杯酒醉寒塘

武昌送王四丈返閩中二首

漢陽門外浪花飛一送先生淚濕衣白髮還攜妻子

慕陵詩稿

卷下

二

青山應待主人歸故侯第宅生芳草舊國關河有落暉
他日扁舟來嶺嶠先期竹裏叩雙扉

王孫一笑隔緇塵白髮蕭蕭照暮春縱酒不妨千日醉
航詩宜到十分貧幽蘭澤畔眞漁父紅荔山中老逸民
自此楚江芳草路芒鞋竹杖更無人

廬州僧寺對雨

風雨西窗有所思頭顱三十尚如斯閒來合向江湖老
靜裏如聞龍象悲騎省閒居仍著賦斜川飲酒漫裁詩
寸心結習今零落傳語溪翁且莫知

落盡桐花四月天
掩關如坐鑑湖船
午鐘疑出雲門樹
急雨驚飛雪竇泉
隴上桔槔歸板屋
出林布穀叫沙田
舊山風景達多少
搔首長吟佛火前

秋懷八首時客武昌

鄂渚頻年作浪遊
江城搖落獨悲秋
臣之壯也驚雙鬢
吾所思兮賦四愁
飄泊行蹤隨斷梗
去來心事付輕鷗
風波滿眼嗟何極
淚咽湘江水不流

當年霸業竟誰存
禾黍高低雲亂屯
幾處疎鐘來野寺
半山殘日下寒門
少陵不識何王殿
宋玉難招異代魂

慕陵詩稿

卷下

三

颯颯西風吹木葉
卻疑山鬼語煩冤

蕭瑟關河滯酒徒
冷烟疎柳望模糊
江濤怒擊狂生鼓
蛟螭秋荒帝子圖
大別山開通四塞
瀟湘水遠繞三吳
重攜鐵笛尋黃鶴
一曲梅花落盡無

錦瑟誰家夜未停
曲終髣髴見湘靈
荒荒月向愁邊白
歷歷山仍江上青
短夢將歸偏易斷
孤懷當酒不須醒
蕭條景物傷時序
露冷蒹葭老客星

風急霜清秋氣深
杖藜買醉豁煩襟
白雲樓上舒長嘯
黃鶴磯頭托素心
戛戛松筠原自直
叢叢荆棘漫相侵

歸來深照孤燈坐抱膝虛牕慘淡吟
獨騎疲馬踏城壕偶學行歌豈告勞寒月曾經照歌舞
長江從此作波濤登山未倦還臨水飲酒何妨更讀騷
只是中年牢落意問天底事首頻搔
潦倒登臺望去津比來肺病暗傷神閒歌楚些招新鬼
不分齊諧老此身聲折常違烏帽客頽唐最喜白衣人
羈懷遲暮渾無奈往事何須更重陳

地懸江海碧天空萬里晴霄一斷鴻白草連空懸落日
黃沙直上旋飛蓬驚禽栖泊渾無樹敗葉飄零不爲風

慕陵詩稿

卷下

四

悵望越州歸未得側身江海思無窮

送周屏侯

萬里家山送獨歸嚴冬雨雪正霏霏雲深匹馬龍圖廟
月冷孤帆燕子磯對我撚髭誇得句笑人載筆賦無衣
鄉書一紙無多語勞過稽山白板扉

旅人蹤跡近如何

旅人蹤跡近如何塞上風烟江上波習慣非關詩興少
思鄉還比別愁多年來客鬢添霜雪夢裏秋山冷薜蘿
見說重陽又將近不堪連日雨滂沱

書至

聽得江東書信至教人鎖日望秋山老親聞說加餐飯
遊子從教破旅顏浮世生涯多濩落倦遊鬢髮已爛斑
強持濁酒消閒晝坐見林臯宿鳥還

懷故園兄弟

三年畱滯最相思况值天涯春暮時庭樹無風花自落
池塘生草夢先知人因客久將歸怯書爲囊空欲寄遲
何日團圓話離恨銀編玉笋對清卮

春分

慕陵詩稿

卷下

五

心驚節物對榆枌客舍匆匆春已分怕向愁中思往事
倦從夢裏送斜曛杏花燕子紅歸社芳草王孫青入雲
剩得韶華剛一半莫教風雨更紛紛

感舊

無復酣歌砍地才春風何處首重回十年魂夢天涯落
萬里關河眼底來匹馬山中豺虎路扁舟江上鳳皇臺
蕭疎雙鬢猶畱滯愁見梨花似雪開

新柳

濕烟和霧碧遙遙處處銷魂似灞橋新學畫眉剛點黛

初看垂手已廻腰舞殘宿雨愁猶重喚起新鶯恨未消
一樣去年攀折後不知何故有長條

雨中讀陸放翁詩

客窗愛讀劍南詩春雨濛濛古驛時野鳥飛遲花落地
官蛙聲鬧水平池律從入蜀前原細句自還山後更奇
千載流風傳故里爐峯鏡水最堪思

寒食

夜來風雨暗黃昏古驛春深客斷魂二十年中兩鬢換
三千里外一身存有情芳草迷行跡無焰殘鐙照淚痕

慕陵詩稿

卷下

六

明日清明拚獨臥梨花落盡閉重門

甘露寺

烟波渺渺上方幽檻外金焦日夜浮地勢遠隨滄海盡
鐘聲寒入大江流南朝事往山留寺北固風高客倚樓
五月攜筇閒弔古松濤如雨早驚秋

登采石磯

布帆天外挂清暉水冷江空暗舊磯落日鼉鼉浮檻立
避人鷗鷺掠波飛英雄格鬪前朝在詩酒風流異代稀
懷古不禁多感慨荻花如雪暮霏霏

荆河口

擊楫清江似舊鄉
青山紅樹滿瀟湘
帆檣雨霽寒雅召
蘆葦風疎斷雁行
事去何年畱故壘
時清誰復問巖疆
啼猿淚落三聲後
月碧沙寒兩岸長

泊湖口

山城如剪斷雙流
九派縱橫控上游
湖影空搖彭蠡月
江聲遠帶洞庭秋
石鐘亦足清寒夢
津鼓偏能急曉籌
聞道潯陽前路近
黃蘆苦竹滿汀洲

舟行書懷

慕陵詩稿

卷下

七

片帆婀娜趁風斜
人似鳧鷖水作家
江上青山爲地主
病中黃鞠是天涯
投林去鳥輕於葉
映水晴雲倏變霞
鄂渚三秋成底事
蹉跎長負故園花

十年磨劍走風塵
行役真堪老此身
爲客夢中常有淚
獨吟澤畔不逢人
半帆寒日湘君廟
一片青山屈子津
舴艋載愁原不盡
推篷又見月痕新

江干晚步

青鞵隨意且徜徉
蕭颯秋風送夕涼
水氣黃含斜日澹
山痕青入暮天長
喜逢賀老能吳語
羞對騷人學楚狂

十載江湖思往事窮通欲話已全忘

舟夜與客話舊

西風落葉暗孤檠有客相憐太瘦生話到行蹤堪一笑
說來鄉夢絕關情家山回首君偏遠碁局中心我漸平
惟有詩魔降不得候蟲依舊作秋聲

余舊詩名
候蟲集

秋興八首

并序

秋興詩人多用少陵韻王子鶴田出其舊作秋
興八首示余蓋集少陵八首之字而成詩者較
之步韻尤難然一種纏綿悽惻感喟夷猶之狀

慕陵詩稿

卷下

八

讀之使人勃然有騷人遷客之思爰效其體亦
成八首時在廣州作

五仙城郭起秋風望氣樓高碧漢通猿鳥繞林山月白
魚龍鼓浪水雲紅衣冠南極開文象甲馬中朝振武功
一自承平傳勝地清歌江上聽漁翁

蘆笳聲急暮雲沈聞道西征氣象森飛使邊城催玉粒
移文州府動黃金風霜每下征人淚車馬常關絕塞心
振甲新傳在來歲江湖靜聽起歌吟

京華直北接中華萬里車書自一家已看紅旗來鳳闕

虛傳黑浪動鯨牙，名刀冷映杯中月。征甲朝回水上槎，
聞有匡時文武在孤城。直入聽秋筮，
滿眼江波百道長。秋風關口繞征檣，紅飛槎上新鸚鵡，
錦織山中小鳳皇。白玉黃金通異國，明珠翠羽映滄浪。
日南歲歲來天使，函入瑤京奉聖王。

曾向京華抗五侯，征車班馬更輕舟。兩回南國槎乘月，
八口西湖宅泛秋。梧苑幾時青鳳宿，風波隨地白鷗愁。
北山自有移文動，家在江南蘆荻洲。

伏枕還驚歲月移，年年心事入秋悲。少陵吟苦惟餘淚，
慕陵詩稿

卷下

九

平子愁多有所思，赤水青鱗虛振尾。高天黃鵠少安枝，
江東風浪瞿塘似。回首家園異昔時。

每看風月一開顏，望冷刀頭信不還。江氣直乘天上下，
秋聲多在樹中間。老思臥隱同南郭，少有虛名似小童。
寂寞餘年惟學靜，青楓黃菊白雲關。

秋氣蕭蕭振碧梧，寒砧聲起暮愁孤。東南虛道花同錦，
西北驚聞米似珠。入夜關心看斗宿，有人瑣尾處菰蘆。
思家萬里歌新曲，江月山雲識故吾。

迢迢一逕入雲斜井臼蕭條野老家屋後雨餘飛澗水
檐前風定落巖花路畱鹿砦爭人跡松作龍鱗老歲華
更是春來饒逸趣小鐻新試雨前茶

贈湯老人

并序

湯老人居武昌姓湯氏號雲山生于明萬歷朝今
年逾百二十歲齒髮落而復生者再矣手足便
利耳目聰明步履如飛不事扶杖酒酣後猶能
作蠅頭細書兩朝五君之事能歷歷數也嘗語
人曰吾無神仙黃白之術但絕慾早耳每往來

慕陵詩稿

卷下

十

市廛其七代孫隨之行潘東柳先生楚之能詩
者作詩贈之和韻一首

壺公小隱洞中天甲子重周意落然白髮縱談前代事
青山眞見地行仙要畱老眼觀興廢笑指枯藤問幾年
聞說能來蔡經宅麻姑重與話桑田

無題八首

悵望瑤臺吹玉笙人間何處覓雙成風清月好天無恨
海碧山青地有情千蝶帳深來夢遠五銖衣薄稱身輕
誰能更去尋中聖寄語多才阮步兵

綺閣朱闌帖錦茵好從圖畫識眞眞欲將烽火邀微笑
不顧金梭擲乍嗔鬥草歸來銷午夢凌波步去動香塵
武陵洞口桃花水盡是劉郎去後春

含情忍笑畫鴛鴦悔不將來擬鳳皇曉夢已曾迷宋玉
初心本欲嫁王昌蓬山覓路無青鳥花下誰人繫紫囊
越鄂舟中頻悵望嬾將繡被夜焚香

曉霧籠花隔綺闌箇中應向畫圖看事從險處收功易
情到濃時束縛難對面忍寒癸半臂背人含笑弄輕紈
荷珠圓轉終搖蕩悔貯亭亭碧玉盤

慕陵詩稿

卷下

十一

他時相見復何如陌上蕭郎枉寄書還有心情看短額
更無方便與持裙東流逝水歡情薄北望飛鴻信誓虛
不解東陽消瘦盡憶眠憶坐正愁予

睡鴨香爐換夕熏烟濃翠被晚氤氳紅樓自是無人到
赤鳳何曾畏姊聞幾見慮妃曾入夢虛傳巫女善爲雲
千金買得長門賦不識相如負卓文

窺簾賈午暗分香韓掾猶勝風度強柳眼花鬚穿蛟蝶
雲房水殿宿鴛鴦柔情只恐終難斷遙妬應知未易防
顛顛忍言羞不見見郎還自復思郎

誰說江臯事未眞，相逢解佩豈無因。
情知舊雨非今雨，看盡深顰更淺顰。
滿目風烟迷別浦，斷腸楊柳在東隣。
重來花下空惆悵，不及羅浮夢裏春。

懷吳好山

西園如夢渺難憑，夜夜離魂覓舊朋。
詩債無才償未得，黃花有約踐何曾。
月明香浦珠千疊，潮落江門雪萬層。
想到南樓今夕詠，玉人吟其一窗燈。

送瑜躬三叔還越

五陵豪氣未全除，白髮襄陽歸敝廬。
三仕昔爲民父母，

慕陵詩稿

卷下

十二

一邱今作老樵漁，攜將野叟逍遙杖。
敲破山僧雲水居，欲賦遂初欣適願。
季鷹原不爲鱸魚，

自媿頻年作浪游。庭闈萬里抱離憂，
爲因送叔臨江潯，愈覺思親動旅愁。
負米無能嗟遠道，還家有夢趁歸舟。
老親相見詢遊子，只說輕肥在廣州。

南湖秋盡水迢迢，正可先生放小舠。
喚雨鳩聲連巷曲，經霜楓葉赭山腰。
虛無樹影迷中堰，斷續菱歌出畫橋。
漫道淵明歸計拙，柴桑清興本來饒。

仲秋飲吳朝鼎棟洪亭卽席

四面雲山與目謀清浴眞擬畫圖游奇峰絕壑千重出
沙鳥風帆一望收流水聲中歌似雪黃花香裏酒如油
我來已是神俱醉况有雲郎捧玉甌

秋日偕仲兄翼南遊海雲寺器中上人以詩見贈

依韻和之

皤皤鶴髮愛逃禪禪室何人似子賢待我直如天下士
疑師眞是地行仙白雲黃葉僧歸寺紅蓼青山客上船
此別雷峰三十里新詩應好寄魚箋

送林副戎出鎮虔州

慕陵詩稿

卷下

十三

海國頻年幕府開將軍雅度肯憐才方從闔閭聞鏡吹
又向郵亭餞酒盃鈴柝夜鳴章貢水旌旗曉傍鬱孤臺
定知頗牧功高遠應念交遊在草萊

和方定麟先生

日廣

見贈原韻

珠江秋水淨無涯只合先生可作家豪興直翻滄海浪
新詩應並赤城霞髮應白到根根雪頰擬紅生片片花
欣接衣冠如太古伊人不用賦蒹葭

南粵重來未有涯西湖一別遂無家驚聞拍板歌殘雪
便憶同舟看落霞海國飄零嗟斷梗他鄉容易卽黃花

芳隣孟氏吾今接玉樹何妨暫倚葭

曹山讌集梅莊沈冰壺不至分韻得佳字

欲把曹山擬鹿扁舟攜得酒如淮瀑聲挾雨驅危石

松影噴雲落斷崖勝會卽看千里別

時余有嶺南之行

狂歌難

復七賢偕

時同游只六人

便應卜築神仙窟峭壁當門水浸階

名山何必攬天涯惟石奇峰處處皆對此林泉如好友

親人魚鳥亦吾儕酒因量破翻難醉詩到狂來句易佳

寄語東陽詩瘦客不應危坐學心齋

贈龍泉黃可齋明府三首

有序

慕陵詩稿

卷下

十四

武林黃可齋先生宰龍泉者八年旋丁父艱扶

輿歸里道出吉水泊舟城南余亦遭亡兄之戚

自粵東扶兄輿還亦停舟于此邂逅相逢頓成

知己率成三律聊以紓懷

邂逅欣逢李郭舟篷窗相向說離憂靈椿樹折悲江革

棠棣花殘哭鄧攸豈有詩人非孝子須知循吏定名流

天涯漂轉隣同病陟岵登岡滿目愁

愷澤能敷遂水旁清聲真欲比河陽尚餘笑貌傳優孟

曾見精誠走阿香

龍泉人以先生政治撰清廉報傳奇常匝月不雨先生禱城隍神不應後

毀其像 國士好賢才莫量書生擊賊膽無當奇人自古
乃雨

清如鶴莫把魁梧擬子房

先生短小精悍年十五有暴客之警曾手及六賊取印信

圖籍出烈炬槌及中

木葉蕭蕭下廢城孤舟夜雨夢魂驚寒江雖喜兼酬唱
旅櫬相憐失父兄歧路友朋眞骨肉他鄉雲物總淒清
故園好約重攜手莫忘今朝息壤盟

楊仲宣

鴻祭

築東湖別業極幽邃自馬首東來忽

忽已二年矣今秋夢至其地得頸聯十四字醒

續成之并柬仲宣

慕陵詩稿

卷下

十五

楊子幽居在水雲茆堂楓葉落紛紛千山繞屋列屏畫
一浦當門作簾紋尚有孤燈勞客夢可堪多病嘆離羣
何方攜得盈尊酒風雨聯牀細論文

冬至與友人徐笠山夜坐

一陽初復氣蕭森落日平添萬壑陰天地有情留病骨
湖山無處寄愁心翻空鳥下雲全凍傍嶺猿啼雪正深
坐久感時同不寐朔風終夜吼長林

秋郊晚步行至西村

亂樹蕭蕭鳥雀喧參差晚景帶荒原舟橫古渡斜陽暝

花隱疎鐘暮色昏僧帶殘雲歸野寺牛隨牧笛進柴門
卻因遠步貪閒賞不覺行吟過別村

山齋閒興

垣屋參差一帶斜俗塵應不到山家
猱縣古樹窺潭水燕入低窗墮野花
遠岫出雲迷北渚虛堂對月讀南華
門前稚子歸來晚探得三春日鑄茶

姑蘇晤沈彤文卽以畱別

寒山寺下水粼粼舊好相逢白髮新
萬里風霜驚客夢千秋湖海老詩人
煮茶冷汲巖頭雪對月酣傾甕裏春

慕陵詩稿

卷下

十六

明日扁舟分手去天涯何處更相親

得大昭書卻寄

紅樹青山賦索居當時曾約老樵漁
不堪動作經年別豈意忽來千里書
倦客行蹤常落拓故人情興近何如
問余何日蕪城去江上扁舟二月初

重過大別山

鞞鷹何日遂飛騰
宴罷龍樓我未曾
若以生人爲久客
何如絕世作閒僧
怕登江滸雲中閣
愁對山窗竹裏燈
飄泊天涯歸未得
南來征雁總無憑

枝江

枝江細雨濕寒沙
芳草萋萋古徑斜
荒縣城空摧雉堞
春原烟薄少人家
鷓鴣何意啼殘柳
蛺蝶驚心見落花
一片閒愁雲外落
東風吹散滿天涯

金陵懷古

雨花臺北舊神州
王氣如塵一片收
晉宋六朝雲物老
滌和百戰荻蘆秋
門闌社燕春猶入
王會南夷舶自浮
玉樹後庭歌不盡
梨園同結古今愁

重陽後一日同諸子登大別山遊僧寺因贈梵音

慕陵詩稿

卷下

十七

上人

重陽已過復登臨
山寺松篁繞徑深
日落湯湖收蜃氣
雲歸蛇岫動猿吟
僧閒自笑黃花瘦
客久還愁白髮侵
欲就南能求解脫
不知何處可忘心

嶺南歸里以所攜廣州八物贈武林黃可齋繫之

以詩

詩筒只合貯詩篇
玉塵揮時望若仙
香椀盛來珠浦月
膽瓶攜得卯溪泉
仙人奉藥餘三粒
案上雲山小一拳
嶺表南來無可贈
只將方物晉瓊筵

黃鶴樓見壁上集唐詩八首每首以崔司勳爲起

句因效其體亦集八首寄越中王弇山同學

昔人已乘白雲去憑高縱目兩茫然
三湘愁鬢逢秋色萬里遊人對曉烟
山聳翠微連郡閣江分島樹入遙天
怪來詩思清人骨好景娛情滿目前

崔顯 陳陶 盧綸 譚用之
李紳 韋莊 韋應物 張仲素

此地空餘黃鶴樓不知經歷幾千秋
烟花已入鷓鴣港霜月正高鷓鴣洲
綠水青山雖是舊碧雲紅樹不勝愁
楚天長短黃昏雨朝夕催人自白頭

慕陵詩稿

卷下

崔顯 王昌齡 魚元機 崔生
耿漳 韋莊 朱鵬 胡曾

黃鶴一去不復返更無消息到如今
騎歸紫府三千歲養就丹砂萬里心
惟有白雲長似昔依然碧落總難尋
分明記得曾行處不見仙禽見水禽

崔顯 李遠 羅鄴 韓偓
羅隱 白居易 方干 范德機

白雲千載空悠悠盡日無人獨倚樓
感事無言還弔古傷春未已復悲秋
江間波浪兼天湧檻外雲霞一望收
黃鶴有心多不住欲尋遺跡已難留

崔顯 孟浩然 劉滄 戴叔倫
杜甫 溫庭筠 僧皎然 李郢

晴川歷歷漢陽樹，憑高望遠思悠悠。野人家傍青山住，賈客船從返照來。城礙十洲烟島路，江分兩岸夕陽臺。須知觸目皆成恨，一寸相思一寸灰。

崔顥

白居易 譚用之

崔塗 李咸用

杜甫 李商隱

芳草萋萋鸚鵡洲，天光雲影共悠悠。江狹初起浪如屋，山雨欲來風滿樓。故國那堪回首望，長安不見使人愁。楚湘自古多離怨，莫道狂吟苦未休。

崔顥

劉禹錫 李白

韓愈 張泌

許渾 劉滄

日暮鄉關何處是，夜來江上與誰期。天涯人遠徒搔首，暮陵詩稿

卷下

十九

潮落月明空所思，關塞年來無羽檄。行藏今日少危疑，寄聲報與山翁道。黃鶴樓前勝舊時。

崔顥

雍陶 陸龜蒙

于武陵 岑參

韓偓 吳廣

烟波江上使人愁，愁殺烟波隱畫樓。鸚鵡未埋狂客恨，江山不見昔人遊。珠簾繡柱圍黃鵠，秋月春花送白頭。

聞道神仙不可接，夕陽西下水東流。

崔顥

顧嶠 魚元機

黃集 張說

譚用之 崔塗

春登黃鶴樓集唐八首

江邊黃鶴古時樓，崔灑題詩在上頭。一自神仙畱笑語，

至今鄉土盡風流吟哦但寫胸中恨簡貴將求物外遊
莫道昔人曾擱筆才非白雪也賡酬

白居易
許堅

無名氏
韓偓

李山甫
嚴維

李遠
張泌

高樓突兀倚晴空豁目開襟許暫同丹壑樹多風浩浩

綠楊烟暗雨濛濛數聲清磬是非外一縷鴻毛天地中

黃鶴有心多不住欲將遺跡問仙翁

李中
貫休

合狐楚
白居易

許渾
劉滄

韋莊
張泌

做盡軒窗四望賒大江橫抱武昌斜鳳皇山上雲垂幕

鸚鵡洲頭浪颭沙渡口殘陽千鷺跡雨中春樹萬人家

慕陵詩稿

卷下

二十

難摹好景獨搔首欲借江郎五色花

來鵬
張南史

魚元機
王維

高蟾
白居易

劉禹錫
陳羽

黃鶴心期擬作羣仙鄉來禮紫陽君誰知野性真天性

拋卻青雲歸白雲明月斷魂清靄靄落花飛絮亂紛紛

樓頭剩有情難說徒望朝嵐與夕曛

皎然
高蟾

李中
鄭谷

杜牧
楊汝士

白居易
李商隱

萬里迷魂不可招我心懸旆正搖搖陳琳草奏才還在

王粲辭家鬢已凋濁水清塵難自合高情野鶴共逍遙

登樓愈覺愁難遣腸斷春風爲玉簫

胡宿
白居易
杜牧
戴叔倫
韋莊

十二層樓倚翠空
上清那與俗塵同
川原繚繞浮雲外

城闕參差晚樹中
草木盡能酬雨露
山河無力為英雄

鶴歸華表青山暮
回首殘陽雉堞紅

天喬
元和內人
盧綸
武元衡

舊事無人可共論
有誰傾蓋待王孫
情多莫舉傷春日

地迥難招自古魂
淺薄將何稱獻納
榮枯安敢問乾坤

杜陵廣厦平生願
燕雀心知不敢言

韓愈
章莊
張泌
韓偓

慕陵詩稿 卷下

未妨惆悵是清狂
白日難留鬢欲蒼
孤棹自遲從踏踏

大鵬須息始開張
休將世路悲多梗
且放歡情入醉鄉

江上有樓君莫望
楚天無限更斜陽

李商隱
李昭象
李中
黃滔

夏登黃鶴樓集唐八首

樓臺隱映接天居
到此煩襟已盡除
掃卻白雲歸洞壑

乘將黃鶴上清虛
曲欄高棟塵難到
水碧山青畫不如

早夏我當逃暑日
自收靈藥讀仙書

錢起
李中
聶夷中
萬楚

吳山楚水意何窮，雨過閒樓看晚虹。更有好風來枕簟，別無塵土翳虛空。一江帆影殘霞外，千樹蟬聲落日中。能就此中清暑否，卻疑身在廣寒宮。

清江吳融

盧綸鄭良士

李居易

韓偓胡宿

漢江之水綠於苔，破浪千層陣馬來。隔岸人家聚烟火，遶城山色動樓臺。高窗四面清風入，大嘯一聲幽抱開。獨倚闌干飛鳥外，不知身世是蓬萊。

羅隱武元衡

杜牧許渾

馬懷素楊銕

溫庭筠張昞

樓下長江百丈清，雲開遙見漢陽城。雷聲忽送千峰雨，暮陵詩稿
卷下
二十二

暑氣潛消四體輕，野霧過時千樹黑。怒濤衝去客魂驚，殷勤說與雙飛燕。如此風波不可行。

錢起

盧綸劉商

杜甫孟夕蘭

施肩吾李白

頑仙惟恐鬢成霜，逃出紅塵入睡鄉。一枕羲皇容我傲，兩丸烏兔聽渠忙。寰中可有壺中大，塵夢那知鶴夢長。日落高樓猶未醒，等閒何處得靈方。

陸龜蒙劉禹錫

李咸用曹唐

白居易王建

太上隱者劉言史

登樓攜酌日躋攀，身與浮雲處處閒。江上暮帆斜掩席，湖中西日倒銜山。長疑好事皆虛事，須信人間比夢間。

避暑恰逢清靜域來遊此地不知還

喬林
李山甫

靈一
劉禹錫

方干
貫休

崔珏
杜甫

相望長吟有所思憑高邛得更無詩樓中飲興因明月
夢裏招魂讀楚詞豈有文章驚海內更無書劍客天涯
年如流水催人急不為愁人少住時

柳宗元
杜甫

孫逖
許渾

劉禹錫
羅隱

劉長卿
戴叔倫

離人六月已驚秋到處消魂感舊遊聚散有期雲北向
往來無計水東流長卿未達終須達宋玉多愁亦自愁
莫訝偏吟望鄉句望鄉孤客倚高樓

慕陵詩稿

卷下

姚揆
王勃

李煜
李商隱

許渾
蔣吉

施肩吾
韋莊

秋登黃鶴樓集唐八首

萬宇千門平旦開披風如在九層臺江湖水落高樓迴
城闕秋生畫角哀亦謂神仙同李郭永言交道契陳雷
自慚未得冲虛術斜凭闌干首重回

馬懷素
陸龜蒙

趙嘏
黃滔

許渾
李中

李紳
李山甫

郡城南下接通津風物清秋入夢頻好鳥共鳴臨水樹
夕陽吟煞倚樓人莫言白日虛華髮不道紅塵老此身
試問酒旗歌舞地世情誰是舊雷陳

柳宗元
曹唐

劉兼
宋邕

顧况
李賀

韋莊
元稹

中秋欲暮見湘烟百尺樓高水接天漢口夕陽斜度鳥

楚天燈火亂停船傷心澗別三千里屈指依稀十五年

記得故園秋正好香爐峰在宅門前

李頻

李商隱

劉長卿

陳羽

天遠樓高宋玉悲青山常對捲簾時世如逝水應長嘆

心似孤雲任所之莫學魯人疑海鳥空教楚客詠江蘼

年來深負黃花約卻返漁舟計已遲

溫庭筠

劉長卿

白居易

陸龜蒙

羅鄴

李商隱

張佑

滕倪

秋來倍憶武昌魚重到南樓十載餘吟月嘲風先要減

登山臨水復何如已懷湘浦招魂事莫讀離騷失意書

欲就麻姑買滄海片雲孤鶴肯相於

岑參

戴叔倫

白居易

郎士元

高樓懷古更悲歌江上秋風長白波文字豈勞諸子重

飛騰無奈故人何滔滔逝水隨萍梗擾擾車塵負薜蘿

莫倚善題鸚鵡賦生涯心思已蹉跎

張喬

白敏中

許渾

杜甫

華表雲深鶴夢長秋江烟景晚蒼蒼歸鴻欲度千門雪

卷下

旅服從沾九日霜赤葉黃花隨野岸碧樓紅樹倚斜陽

騰身轉覺三天近始與回頭向玉皇

戴叔倫

李

趙融

李頎

張南史

片雲孤鶴兩難畱因向城隅建此樓海外徒勞尋闔苑

人間亦自有丹邱珠簾繡柱圍黃鵠金勒銀鞍控紫驪

聞道神仙不可接騎龍卻憶上清遊

武元衡

李偁

司空文明

韓翃

冬登黃鶴樓集唐八首

水國初冬和暖天憑高一望總茫然江中白浪如銀屋

慕陵詩稿

卷下

二十五

樓外青山似舊年幾處帆檣喧夏口萬家烟火滿晴川

心遊目送三千里何處風光不眼前

陸龜蒙

劉兼

李白

唐球

雨雪初晴望漢陽一天寒色下瀟湘樹圍水際人烟黑

日滿樓前江霧黃今日偶攀塵外契暮年初信夢中忙

也知得意須乘鶴欲向瑤臺路渺茫

李涉

皇甫曾

李建勳

杜甫

利門名路兩難憑醉向高樓醒復登世事茫茫難自料

生涯擾擾竟何能致身霄漢真無策論道同心少有朋

呵凍且吟冰雪句寒山半出白雲層

白居易
戴叔倫

劉寬
于蘭

韋莊
清塞

鄭谷
劉滄

懷古登樓更寂寥當年霸業已全消漢江水濶吳山遠
夏口城衝楚塞遙割據一方勞戰伐興亡往事問漁樵
可憐赤壁爭雄渡惟有月明吹洞簫

東方虬
劉長卿

羅隱
司空圖

王建
杜牧

李頻
韋莊

臨江高閣瞰千尋積雪窗前盡日吟落木蕭疎從上下
亂帆爭疾競浮沈風波久佇濟川楫霄漢常懸捧日心
黃鶴樓中吹玉笛故園書絕到如今

慕陵詩稿

卷下

二十六

盧藏用
石貫

許渾
錢起

包何
李白

李紳
胡曾

上樓高望往來船雁度寒江擬雪天零落梅花過殘臘
模糊樹色入荒烟空中醉客迎醒客鏡裏今年老去年
自是不歸歸便得故鄉朝夕有人還

白居易
李商隱

賈島
郭郢

李頻
崔塗

孫逖
章碣

江上仙翁去不回人間空自造樓臺那知塵裏無窮事
且盡生前有限杯李白雖然成異物費禱終是負仙才
孤吟盡日無人會三楚空江有雁來

崔曙
曹松

羅鄴
羅隱

劉得仁
韋莊

杜甫
張喬

詞客如今迹尚畱不知經歷幾千秋青山碧水渾無恙
去燕來鴻各自愁便要乘風生羽翼更憑飛夢到瀛洲
神仙若見應惆悵此地空餘黃鶴樓

劉長卿

王昌齡

耿漳

李咸用

高駢

胡宿

韋莊

崔灑

焦山集唐八首

夢想名山四十年此來真有看山緣
梵宮表裏皆青嶂花界玲瓏在洞天
壇上古松疑度世林間孤鶴欲參禪
烟波面面仙凡隔不許紅塵到眼前

慕陵詩稿

卷下

二十七

路入烟霞草木香青山重疊樹蒼蒼
雲遮日影藤蘿合風帶潮聲枕簟涼
淵奧未曾探禹穴虛無只少對瀟湘
巖前時有天花落亦要天花作道場

石牀苔蘚是匡廬踏遍名藍總不如
冉冉修篁依戶牖蕭蕭涼葉墜衣裾
水中明月無蹤跡谷口閒雲自卷舒
始覺浮生無住著欲于此地下巖居

徵君遺像在巖扁依舊無言倚翠屏
三鳴虛煩明主詔

一生惟戀草堂靈
山高水綠渾無恙
地覆天翻也只寧
借問路旁名利客
何人道有少微星

翠巖東望總茫然
海氣昏昏水拍天
旭日初升漸小
晴雲更薄薄
如烟滄波不醒幽人夢
颶母偏驚旅客船
中有一僧忘去住
斷崖長坐壁中禪

雨後山光繞寺青
手披荒草上孤亭
雷雲駁去惟存鼎
仙鶴忘來始有銘
三代幾曾餘一物
八公虛道得千齡

慕陵詩稿

卷下

二十六

華陽高士今安在
欲就先生問丙丁

夕陽明滅倚僧樓
惟見長江天際流
千萬頃波迷北固
兩三星火是瓜州
風生碧澗魚龍躍
月出滄溟世界秋
莫道夜來眠水上
本來身世只如浮

看畫樓臺青黛山
半居天上半人間
火星似向簷前落
雲逕疑從鳥外還
俗客欲尋應不過
忙人到此亦須閒
他年若許歸蓮社
願與雷宗永閉關

五言排律

代書詩五十韻寄吳好山

修齡

涼風初變柳蕭瑟滿城秋海國思知已天涯念舊游憶
從閩嶠外歸臥鏡湖頭剩有尋春興言乘訪戴舟片辭
傾典校一笑識荊州遂定金蘭契因成膠漆投風流推
鮑謝唾咳駕枚鄒有句皆賡和無篇不唱酬西園標赤
幟東閣點紅籌一日吾差長三冬爾最優求賢方下詔
國士正施猷操割人懷鄭衡文我望歐拔茅登俊傑作

慕陵詩稿

卷下

二十九

士採蕪樵滿擬凌高漢旋悲擁做喪長途君哭阮秋榜
我遺劉洛下才相弔陵陽涕共流沉酣浮大白慷慨看
吳鈞流落嗟王粲迂疎學鄧攸移家避南澗遁跡樂西
疇薜荔茆堂古莓苔竹迳幽窗虛深漏月池淺戲游僑
石坐生衣冷花香入夢稠林塘楓似錦湖舫酒如油抑
鬱陶金管悲歌付玉甌柳眠看舞態珠貫聽歌喉同谷
縈愁和離騷帶醉謚還如師杜默真欲效王旂方喜憐
同調俄驚慘別愁離亭衰草白驛路野花柔雁齒紅橋
小螭頭畫舸浮知交悲斷梗蹤跡等輕漚欲別難爲別

重甌未果，片帆飛渺渺。匹馬去悠悠。秋水滕王閣，荒烟宰相邱。鬱孤臺下路，紅葉寺前洲。石挾灘聲壯，猿哀嶺路脩。好山傳異地，秋色誦遐陬。孤鳥霞邊沒，疎星雨外收。花田多枳棘，朝漢半松楸。文物雖吾黨，伊嚶類楚咻。鮫人貿寶玉，蠻女抱箜篌。日出鹽生地，風過瘴滿樓。青紅觀海市，出沒看江瀟。對此殊方俗，能無故土憂。鵲鴝嗟失侶，鸞鶴恨離儔。白社如初未，雞壇似昔否。每慚因學拙，常恥爲身謀。歸想買黃犢，盟思狎白鷗。暮雲瞻縹緲，江樹意綢繆。五百相思字，臨風付置郵。

慕陵詩稿

卷下

三十

五言絕

晚行

馬首斜陽暝，西風吹面來。斷虹辭晚雨，絕壑轉秋雷。

試劍崖口號

夜雨曉復晴，一逕桃花色。欲寄白雲心，春風不相識。

山村

望見山村遠，林深住幾家。春風驚客至，吹落紫藤花。

夜

風雨下重樓，漁歌起客愁。不禁窗外樹，五月已驚秋。

暮雲開楚甸見月已心驚况有空江笛吹來折柳聲

心詞出嶺向南飛

嶺頭入天際四顧見平野萬井野人烟蒼茫馬首下

九月八日

明日黃花節誰人送酒來客愁無可說不上望鄉臺

七言絕

別天台齊次風先生

雲白霞紅掩翠屏故人相送立旗亭天涯何處無離別

慕陵詩稿

卷下

三十一

豈獨河橋楊柳青

客中見柳有憶

最恨長條復短條拖烟拂水已魂銷不知湖上垂垂線

綠到西泠第幾橋

荆河口

荆河遙接楚江微目送千帆落釣磯一片客愁無處寄

心隨寒雁向南飛

春雲戲題四絕句

燕燕雙飛入綺櫳不堪含恨向東風當時半爲張公子

分付金貂與侍中
三千列騎紫綸巾
紅粉青蛾屬後塵
斗帳盤龍金屈戌
櫻桃花下認前身

花影離離月影寒
南朝玉樹已歌殘
韓嫣若是黃金盡
辜負兒童逐彈丸

十年燕趙聽新聲
贏得人間薄倖名
只有當年房次律
延蘭一曲罷公卿

送友

新柳河梁正挂絲
馬蹏惜別故行遲
尊前有語應須盡

暮陵詩稿

卷下

三十二

他日相逢知幾時

效小遊仙四首

紫霧紅雲塞九天
人間歲月自年年
餘杭兌酒須臾事
未抵希夷一餉眠

洞裏眞遊烟景賒
紅鸞雙駕紫雲車
閒依鶴樹溪頭看
折得唐昌玉蕊花

寂寂桃花繞澗幽
白雲丹竈葛翁留
忽聞下界傳方訣
駐鶴停鸞笑不休

流霞滿泛紫霞杯
花下投壺玉女催
黃竹教栽滄海上

行看拂面有塵來

題畫

打頭黃葉落如雨
逼耳清泉響作雷
野寺雲中門半掩
一僧曳杖過溪來

客中新秋喜晤婁巨冶

美鉞

小酌分賦

梧葉驚飛落井牀
開尊今日領新涼
總然拚到如泥醉
依舊飄零是異鄉

立秋前一日聞角

四更海月上城樓
人坐虛窗正獨愁
一夜角聲頭欲白

慕陵詩稿

卷下

三十三

况當明日又新秋

夜雪口占

黯黯重陰向晚生
同雲壓雪過江城
不知門外深多許
枕上惟聞折竹聲

題王瑤田葡萄畫

瓊漿曾否入新醅
馬上琵琶莫浪催
但得絳囊親擲取
不須美酒夜光杯

絕勝梅酸濺齒牙
秋風零落自橫斜
月明掩映闌干外
橘綠橙黃未可誇

自惠州至廣州

踏遍羅浮四百峰
渾身衣帶翠微濃
不知雁翅城邊月
曾照游人到五松

春風處處木棉開
一片雲帆海外來
笑指禺山青在眼
客心飛上越王臺

戲贈吳予咸

月明樓上鳳凰簫
有客臨風怨夜遙
不及春來湖畔草
青青一路到楓橋

日篩花影入窗虛
萬恨千愁賦索居
起坐行吟無一可
慕陵詩稿

卷下

三十四

敲牀只讀寄來書

踏碎梧桐滿院苔
斷無消息到瑤臺
憐他得傍鴉黃額
只有雕簷一樹梅

聞歌

疎樹寒山下夕陰
清江冷月野塘深
吳歌喚起孤舟夢
二十年前此夜心

夜行

草黃沙白斷烟青
河上驅車暮未停
平野蒼茫無月色
時時失路指寒星

立春後一日

驛路勞人亭短長村歌社鼓度年芳只爭半夜東風力
一帶垂楊處處黃

山店元宵

倦鳥投棲雲樹空綠蘿深處一燈紅
錯教好月今宵滿
卻在荒山野店中

霜夕

坐愛霜天似水清寒溪冷玉碎無聲
馬蹄踏遍關山月
未抵燈窗一夕情

慕陵詩稿

卷下

三十五

慕陵詩稿卷下終

慕陵詩稿補遺

會稽陳榮杰無波一字慕陵著

春登岳陽樓集唐八首

城上高樓接大荒遙天漠漠水茫茫寒雲曉散千峰雨
旭日晴開萬頃光湖口浪花吞漢沔海門帆勢極瀟湘
年來吳楚常為客一半生涯寄岳陽

柳宗元 包何 許渾 李中
陳陶 許渾 方干 劉滄

疊巘層巒坐可觀樓臺掩映入春寒水光直與山光接
日氣初涵露氣乾漁浦浪花搖素壁玉峰晴色上朱闌

慕陵詩稿

補遺

逍遙此意誰能會只少臨風插羽翰

伍喬 韓偓 劉滄 李商隱
司空曙 李羣玉 羅隱 施肩吾

萬派爭流雨過時岳陽樓外柳絲絲白雲明月偏相識
流水青山空所思長得吟詩歡自足近來中酒起常遲

細推物理須行樂日日登臨也不疲

李建勳 韓翃 任華 李嘉祐
楊巨源 韋莊 杜甫 崔崗

一片傷心畫不成儒衣何處謁公卿東還西去都無計
湘瑟秦簫自有情試上高樓最高處願為閒客此閒行
憂花惜月長如許莫道猖狂似禰衡

羅 鄴 盧 綸 吳 融 李商隱
靈 一 杜 牧 胡 宿 皮日休

幾年爲客滯江干
閒上危樓獨倚闌
旅夢遠隨湘水闊
酒腸俱逐洞庭寬
何時得把浮邱袖
此客空彈禹貢冠
只有野情消不得
湖南山色捲簾看

張 祐 李 中 韋 莊 李 羣 玉
劉 禹 錫 許 渾 靈 一 沈 亞 之

生來擾擾竟何成
空羨煙霞得送迎
遺事滿懷兼滿目
流年堪惜又堪驚
浪生溢浦千層雪
草綠南湖萬里情
幸有樓頭可舒嘯
憑高一望九愁輕

武 元 衡 姚 鵬 吳 融 趙 嘏
來 鵬 劉 長 卿 白 居 易 錢 嘏

慕陵詩稿

補遺

風暖江城白日遲
夕陽樓上笛聲時
心超幾地行無處
家似浮萍任所之
天畔晚峰青簇簇
雲邊遠樹黑離離
酒酣往事多興念
未勝尊前倒接離

許 渾 胡 曾 元 稹 戎 昱
韋 莊 李 羣 玉 張 祐 錢 起

洞庭春盡水如天
獨上江樓思悄然
青草浪高三月渡
綠楊晴拂萬條烟
興來吟咏空成癖
樂在風波不用仙
學得青蓮李居士
將船買酒白雲邊

柳 宗 元 趙 嘏 張 泌 黃 滔
白 居 易 張 志 和 譚 用 之 李 白

夏登岳陽樓集唐八首

樓俯平湖夏亦寒登臨始覺太虛寬簾前笑語時相問
鏡裏雲山且共看萬象曉歸仁壽鏡一生長對水晶盤
此身直在清涼界不數瑤臺碧玉闌

司空曙
溫庭筠

李建勳
李商隱

韋莊
曹唐

方干
儲光羲

逸興偏宜夏景長翻翻菱荇滿迴塘湖光似鏡雲霞熱
松氣如秋枕簟涼灘灘畏人沈澗月鷓鴣飛去又斜陽
手持如意高窻裏喚作神仙也不妨

司空圖
薛逢

溫庭筠
常建

黃滔
李嘉祐

何元
鄭畋

夏物蕭條景更清湖光倒影入樓明蟬鳴高樹雨初歇
慕陵詩稿
補遺
三

風透疎簾天始晴綵筆昔曾干氣象青袍今已誤儒生
身如倦鳥還無定惟聽黃鸝隔葉聲

吳融
杜甫

韓愈
劉長卿

劉滄
羅隱

杜荀鶴
譚用之

風郭湖光景最奇岳陽樓上好題詩鷓鴣只喚湘君廟
廢鼓爭喧屈子祠高樹夕陽連古巷白雲流水憶佳期
軒窻六月涼如水說與紅塵總不知

黃滔
盧綸

鄭谷
劉長卿

薛逢
秦韜玉

李咸用
張蟾

水物清明淡似秋天光雲影共悠悠才微易向風塵老
水闊因知世界浮涼氣漸多交氣少遠帆將落近帆收

世間變態誰能測，又見斜陽下楚邱。

皮日休
譚用之

劉禹錫
李咸用

郭震
魚元機

羅隱
武昌妓

汀洲雲樹共茫茫，湖上荷風入檻涼。復有樓臺含暮景，更無名利到滄浪。斷虹辭雨掛清漢，水鳥帶波飛夕陽。莫道乾坤皆逆旅，北窻容我傲羲皇。

李益
李洞

皇甫冉
溫庭筠

杜甫
長孫左輔

姚鵠
鮑溶

近水樓臺入夏宜，凭闌遙望景逶迤。帆欹斜影搖深靄，蟬曳殘聲過別枝。信宿漁人還泛泛，夕陽鐘磬亦遲遲。此方何物堪消暑，清簟疏簾看奕棋。

慕陵詩稿

補遺

四

胡宿
杜甫

林寬
廣宣

張翥
吳象之

方干
杜甫

樓上岌天冰雪生，薰風拂拂雨初晴。雲中遠岫千層出，樹裏南湖一片明。鏡裡何曾知滬暑，身閒不夢見公卿。悠然到此忘情處，已有迎秋促織聲。

杜甫
白居易

羅虯
王建

胡宿
溫庭筠

張說
皇甫曾

秋登岳陽樓集唐八首

清光遙接庾公樓，萬里煙雲一望收。帆去帆來風浩渺，天晴天雨樹沈浮。九霄香透金莖露，八月涼生玉宇秋。此地從來可乘興，放歌重作昔年游。

李端
于武陵

王建
曹唐

鄭谷
高適

趙嘏
羊士諤

此日登臨曙色開披風如在九層臺南山積翠臨城起

乳澗搖光瀉浪回去雁數行天際沒孤帆一片日邊來

君看處處皆圖畫欲賦慚非宋玉才

崔曙
韋莊

趙嘏
李白

劉憲
劉得仁

李適
溫庭筠

巴陵一望洞庭秋渺渺湖光繞郡流曲岸有花皆近水

好雲無處不遮樓新愁舊恨憑誰說事去人亡迹尚留

河上仙翁難再見片帆孤客晚夷猶

張說
雍陶

唐彥謙
劉長卿

許渾
張翥

羅隱
李郢

暮陵詩稿

補遺

五

城上平臨萬象微風光無處不堪依江濤簸岸黃沙走

湖水當門白鳥飛林外鐘來知寺遠柳邊人歇待船歸

於焉已是忘機地欲買嚴光舊釣磯

李洞

唐彥謙
溫庭筠

杜甫
朱慶餘

陳羽
許渾

境非吾土倦登樓逢著湖山也自畱共說元規偏愛日

可憐宋玉只悲秋風馳雨驟年年慣水遠山長步步愁

所恨生平還不早滄江歸去老漁舟

杜甫

杜荀鶴
李羣玉

盧綸
劉長卿

趙嘏
許渾

湖上秋風日欲曛不知何處弔湘君微波有恨終歸海

芳草無情已化雲那見玉顏朝北闕猶疑琴曲詠南薰
黃陵廟外斑斑竹漁浦鳴榔十里聞

嚴武
杜荀鶴

李白
張濯

薛逢
崔魯

盧綸
朱放

節物驚心兩鬢華憑高容易怨天涯三秋涼雨愁楓葉
一陣西風起浪花遠渚白雲迷斷雁山樓粉堞隱悲笳
岳陽樓上聞吹笛不是離人也憶家

高適
鮑昉

韓偓
杜甫

溫庭筠
張說

陸龜蒙
崔魯

中流欲暮見湘烟楚客相思益渺然蜀舵吳檣千萬里
冷吟閒醉二三年夕陽有恨空垂地明月無情卻上天

慕陵詩稿

補遺

六

莫怪畱連不歸去秋光都在畫樓前

李頻
羅隱

劉長卿
薛逢

杜荀鶴
章孝標

白居易
獨孤及

冬登岳陽樓集唐八首

闌干低數萬人家郢客登樓望霽華水到日寒猶未落
梅因冬暖已將花郎君下筆驚鸚鵡駮駮何年別渥洼
江漢欲歸應未得洞庭烟浪渺無涯

廣宣
李商隱

張繼
曹唐

郎士元
皮日休

竇叔向
劉兼

樓臺雖少景何深得近幽奇物外心翠色本空霜後見
新詩堪向雪中吟茫茫野水連天白漠漠寒雲接地陰

此日洞庭風景變冷烟疏雨在空林

李建勳

冷朝陽

劉滄

韓翃

上盡重城更上樓一天寒氣聚南州風吹野色連邨煖

樹夾河聲繞郡流去雁遠衝雲夢雪啼猿近傍木蘭舟

楚湘自古多離怨安得知音共唱酬

李商隱

寶翬

法振

姚揆

指點虛無亦羨仙危樓高駕沈寥天窻含西嶺千秋雪

門鎖南山一朵煙四野同雲垂作幕幾條寒澗滴成川

灞橋此日騎驢去復憶襄陽孟浩然

慕陵詩稿

補遺

曹松

殷堯藩

杜甫

王建

洞庭西望楚江分雁叫沙汀不可聞歲暮陰陽催短景

天寒鳥雀亂斜曛可憐芳草成衰草何必青雲與白雲

高閣自來空縱酒莫嗔頭上雪紛紛

李白

皇甫冉

杜甫

章孝標

青草湖邊雪浪高朔風吹面利如刀沈舟澤畔干帆過

失侶天邊一雁號崖谷漫勞思雨露夢魂空自畏波濤

詩肩莫問連頭聳惟恐流年損鬢毛

譚用之

韓愈

劉禹錫

徐凝

羅隱

項斯

杜荀鶴

鄭谷

大巖臙草

會稽陳松齡喬年

一字大巖著

鏡湖舟次東宗六藕船

未是風狂雨橫天
簫篷低卸筆牀偏
十分花事春當半
百里湖光畫不全
紅樹賣鱸曾踐約
綠楊繫馬又經年
勞生敢受高閒福
一曲清江入破船

偶然作畫戲題二絕聊當臥游

愛絕溪山此結廬
苔花青長屐痕疎
桐陰瑟瑟路幽寂
夜靜月明聞讀書

大巖臙草

村流一帶碧粼粼
向晚微風動白蘋
隔岸烟生漁浦淨
半船明月載詩人

暮行

樹白晚雲寒倦鳥喧
山靜落照有餘輝
微露沾衣冷疎鐘
何處來溪上千峰暝

水島山村

四壁藤蘿滿深情
魚鳥知烟沈山礪
瀾雲聳石峰奇小
雨隔溪冷微風落
檻遲夜來高臥穩
清夢繞南陂

春分前一日施公邁先生招飲書此爲謝并柬笠

感君攜酒話松軒歌斷行雲碧有痕一半韶華都是雨
兩三烟火亦成村可人晴日梨花夢醉我春風竹葉樽
寄語西窗詩瘦客有無高倡答梅魂

題陸迎九先生飛觴醉月小照

醉鄉瞥眼乾坤小吸取銀蟾落懷抱高情舊得李謫仙
誰其繼者古來少天隨散人羲皇徒目光如曙髯蕭疎
江山老大誇才思氣吞雲夢雄萬夫少年燕趙恣遊歷
鳳蠟銅盤散紅纈談鋒四座花爲迷滾滾天風落瓊屑
大巖贖草

二

蜂心酷愛古人書密苔巖壁墳典餘有時興到弄清散
潭底夜泣鮫人珠古懷邠入時人調老鶴雞羣自清峭
太史胸中有九州步兵眼底無三島虎頭筆妙秋毫顯
傳神一一阿堵間寬襟大袖眞絕倒呼之欲出招之前
無邊風月供清愛邠計一石復一斗舉雙白眼清旻高
浮邛作侶洪厓友玉輪軋露銀河沈霓裳恍聽玲瓏音
仰空大嘯獨千古一聲驚起雙鸞唵何當把臂清虛窟
塵海茫茫夜蕭瑟笑拾星辰作酒籌翩翩踏碎瑤天月

武陵花落晴溪入萬樹紅霞開春色雞犬一聲何處村
雲根知是神仙窟漁父偏能絕俗塵討幽石豁天光新
桑麻滿地午烟碧儼然屋舍排鱗鱗老翁驚問來何許
處處爭邀具雞黍花底乾坤寂寂春洞中日月萬萬古
聞道河山幾變遷咸陽秋草但寒烟當年避跡偶來此
卻憶風塵各一天君不見華陰傳壁妖星落方士猶尋
不死藥六龍飛上會稽臺萬里蓬萊雲漠漠誰知平地
有仙洲何事茫茫海外求紅雨滿津我欲問白雲流水
空悠悠

大巖贖草

鑑湖

快閣客竟去鑑湖清可憐我來湖上過隔渡趁漁船淡
月生遙岫微風開白蓮蒼茫歌一曲倚棹散秋烟

過紅藕村庄

別有清幽境雲山面面遮一村環綠水十里種荷花岸
泊打魚艇居隣賣酒家我來心跡迴話到夕陽斜

雲門訪友

尋幽入深谷磴道滿苔痕屐響無人逕雞鳴何處村四
山連樹色一澗繞柴門來訪維摩室清談把酒尊

喜雨

曉聽倉鷓鳴時雨四郊足農夫荷鋤出一夜秧田綠飯
牛下南坂桑柘繞茅屋婦子何熙熙今年麥秋熟

竹窗夜坐

一窗寒月明萬籟寫秋色碧陰如水流疎影亭亭直掠
地清風來舞梢秋有力露氣生早涼吟蟲伴騷屑斗室
虛白生止止殊自得

太湖

芙蓉七十二朶朶向人青水浸雙丸小風高萬船停魚

大巖贖草

四

龍中夜亂波浪拍天腥笠澤書堪著狂游勝洞庭

南鎮千歲松歌

稽山屹拱龍虎都封壇嵒嶮傲靈區蒼松百尺蟠闕古
矗立南天建翠旗憶昔龍蛇驅大禹變化頭角成奇樹
海風四起潮欲來怒吼空山鱗甲舞孤根拔地排丹霄
老幹不受冰霜凋黼黻三千趨帝闕青陰深護百靈朝
翻濤欲趁天門霧細絡烟蘿飛不去月色長看鶴影棲
棋聲時有仙人駐毀身願作大厦梁但恐凡材無相當
長護金泥鎮萬古春深荒殿松花香

訪陽明洞天

仙家洞天三十六陽明之洞尤駭目靈巖嶒嵒窈而深
雲根一罅天光綠璫室璇臺燦綺櫳羣真環珮聲丁冬
丹霞影射四山靜水簾飛玉響天風仙人不歸春寂寂
瑤草東風幾回碧藥火無烟丹竈青石窗深鎖寒雪白
我來幾欲拋凡塵笑攜洪厓游清旻松花酒熟元芝老
醉臥白日三千春

秋蟬

獨向高枝上吟秋伴草堂靜疑生遠籟疎欲斷斜陽古
大巖巖草

五

驛烟初暗深林葉半黃不堪雙鬢影相對各蒼蒼
湖上同宋八雪帆作

三十六溪水分流出若耶秋風采菱芡落日賣魚鰕雲
樹方千島烟波賀監家閒尋鷗鷺伴垂釣作生涯

別笠耆山人

白蘋波冷送輕橈日斷江雲思正遙十里柳烟凋謝盡
不須恨煞短長條

旗亭風笛促離魂話到傷心墮淚痕安得畫篷春載酒
重尋花鳥到鳧村

孤山謁林處士和童璞巖韻

孤嶼出湖濱蒼茫隔市塵梅花三百樹何處認吟身心
跡應同鶴詩名亦避人至今想高躅疑是葛天民

大巖贖草

六

湖嶼同巖詩各亦避人至今想高躅疑是葛天民

孤嶼出湖濱蒼茫隔市塵梅花三百樹何處認吟身心

孤山謁林處士和童璞巖韻

先大父無波公賦性儻積學能文銳志下帷屢困場
屋乃棄舉子業專意於詩古文詞文宗廬陵詩法少陵
因以慕陵自號生平好交游徧歷閩粵豫章荆楚足跡
半天下一時通儒碩學靡不推重以文名顯於當世乾
隆丙辰歲

詔舉博學鴻詞湖南巡撫鍾公保以公名薦舉報罷游

湘中卒於幕府著有慕陵文集四卷慕陵詩稿四卷候
蟲集八卷集唐詩八卷夢香詞二卷行篋中散佚殆盡
先兄大巖從鼠殘魚蠹之餘掇拾遺詩得三百七十餘

跋

首編爲二卷謹從公志仍署曰慕陵詩稿思付剞劂有
志未逮今蒙昌當代大人先生均賜弁言贊傳以光幽

壤昌亟付梨棗雖篇什未盡而存此一編庶可永爲家

寶他日海內仁人君子有得公全稿及文集者能惠付

續梓以成全璧則尤昌之所私冀者也先兄大巖贖草

一卷併附於後先兄名松齡字喬年邑庠生癸亥冬十

二月孫男昌謹識

